

TREBAKUNTZA 2021-10: -(E)LAKO ETA -(E)N

OHARRA: asteriskoz eta kurtsibaz idatzitako esaldiak gaizki daude, eta gainerakoak zuzen.

OHIKO AKATSAK

1. * *Ekonomia gaizki **doanaren** berriak ez gintuzke harritu behar.*
2. * *Ameriketara joan zen, han hobeto biziko **zenaren** ustean.*
3. * *Euskara Afrikatik **datorrenaren** hipotesiak indarra galdu du azken urteotan.*
4. * *Berriro elkar ikusiko **dugunaren** esperantza daukat.*
5. * *Alkatetza utziko **duenaren** susmoa hartuta daude udaletxean.*
6. * *Bulegora sartu eta obra amaituta **zegoenaren** berria eman zioten.*

AZALPENA

Ondo berezi behar dira -(e)naren eta -(e)lako. Biak dira izenaren lagun, baina ez modu berean. Konparatu, esate baterako, esaldiok:

a) * *Ekonomia gaizki doanaren berriak ez gintuzke harritu behar.*

Esaldi horrek, bere horretan, honako hau esan nahi du: Ekonomia gaizki doan pertsonaren berriak ez gintuzke harritu behar. Bistan da esaldi hori nahaspilatsua ez ezik okerra ere badela.

b) *Ekonomia gaizki doalako berriak ez gintuzke harritu behar.*

Esaldi horrek, berriz, oso bestelako esanahia du: berri baten arabera, ekonomia gaizki doa, eta berri horrek ez gintuzke harritu behar. Literatur tradizioan ikusten dugunez, -(e)lako eta -(e)n dira horrelako perpausetarako forma zuzenak:

- **-(e)lako** euskalki guztietan erabili izan da beti eta horrela erabiltzen da gaur egun ere.
- **-(e)n** mendebaldeko euskalkietakoa da, bizkaierakoa eta gipuzkerakoa batik bat, berriagoa eta maiztasun murriztagoa duena.

Udalerri Euskaldunen Mankomunitatea

www.uema.eus

Donibane enparantza 1, 1.a
48380 Aulesti
Bizkaia
946 279 195

Aialde 2
20180 Oiartzun
Gipuzkoa
943 260 372

Azoka Plaza
Enparantza Nagusia 11, 6. bulegoa
20734 Azpeitia
Gipuzkoa
943 816 699

-(e)lako eta -(e)n horrelako izenen ondoan ageri zaizkigu: aitzakia, albiste, berri, damu, esperantza, froga, hitz, iritzi, irudipen, itxaropen, itxura, kezka, konfiantza, kontu, marka, promesa, seinale, sentimendu, susmo, uste, zantzu, zurrumurru...

ZUZENKETAK

1. Ekonomia gaizki **doalako** berriak ez gintuzke harritu behar.
2. Ameriketara joan zen, han hobeto biziko **zelako** ustean.
3. Euskara Afrikatik **datorrelako** hipotesiak indarra galdu du azken urteotan.
4. Berriro elkar ikusiko **dugun** esperantza daukat.
5. Alkatetza utziko **duen** susmoa hartuta daude udaletxean.
6. Bulegora sartu eta obra amaituta **zegoelako** berria eman zioten.

Azalpenotatik zerbait ulertu ez baduzu, edo gehiago sakontzeko ariketarik nahi baduzu, jarri harremanetan UEMAko teknikariarekin edo zure udaleko euskara teknikariarekin.

Telefonoz: 946 279 195 (Iratxe)

Posta elektronikoz: iratxe.udalak@uema.eus (Iratxe)

Hurrengora arte!

Udalerri Euskaldunen Mankomunitatea

www.uema.eus

Donibane enparantza 1, 1.a
48380 Aulesti
Bizkaia
946 279 195

Aialde 2
20180 Oiartzun
Gipuzkoa
943 260 372

Azoka Plaza
Enparantza Nagusia 11, 6. bulegoa
20734 Azpeitia
Gipuzkoa
943 816 699